



Inatsisartuni ilaasortat Malik Berthelsen & Kim Kielsen, Siumut  
/ Maani

**§ 37 naapertorlugu apeqqummut nr. 2011-206-mut, inissianut  
innersuussisarnermut tunngasumut akissuteqaat**

09. nov 2011  
Sagsnr. 2011- 057776  
Dok. Nr. 761236

Asasakka Malik aamma Kim

Postboks 909  
3900 Nuuk

Apeqqutissinnut qujanaq, taakkulu imatut nipeqarput:

Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

1. Inissiaatileqatigiiffimmik pilersitsisarneq pillugu Inatsisartut peqqussutaanni nr. 12, 28. oktober 1993-imeersumi § 2, imm. 2-mi Inissiaatileqatigiiffik INI A/S-ip ilaatigut inissiat Namminersornerullutik Oqartussanit (manna Namminersorlutik Oqartussanit) pigineqartut isumaginissaat ingerlannissaallu isumagissagaa aalajangersarneqarpoq. Pisissiani Pingorsuarmilu inissiat sooq INI-mit aqutsinneqanngillat?
2. Paasisat naapertorlugit Illuut A/S-ip Pisissiani Pingorsuarmilu inissiat isumagineqarnerat illuutininik niuerutiginnittartumut namminersortumut isumagisassanngortissimavaa. Pisissiani Pingorsuarmilu inissianik isumaginninnerup illuutininik niuerutiginnittartumut namminersortumut isumagisassanngortinnerat peqqussummi aalajangersakkanut naapertuuttutut oqaatigineqarsinnaava? Maannangaaq Illuut A/S namminersorluni aktiaatileqatigiiffiunera pissutigalugu peqqussummut ilaatinneqannginnera pillugu akissutip tunngavissaqannginnera oqaatigeriissavarput; Illuut A/S-imi missingersuusioriaatsimut tunngatillugu eqaallisaanermik aaqqissuussinissaq siunertaralugu taamaallaat pilersitaamat, taamaattumillu Namminersorluni Oqartussat ingerlatsineranut ilaalluni, tamannalu pissutigalugu pisortat paasissutissiisarnerat pillugu inatsimmut taamatullu pisortat sullissinerat pillugu inatsimmi aalajangersakkat ingerlatseqatigiiffimmu tassunga atuuttuullutik.
3. Illuutininik niuerutiginnittartoq Pingorsuarmi Pisissianilu inissianik agguassinermik suliaqarnermi peqataatinneqarsimava, tamannalu pissutigalugu inissiat attartortinneqartut amerlassusaasa killilersimaarnerisigut kingusinnerusukku inissiat tuniarneqartussat amerlassusaannut taamaalluni aningaasatigut soqutigisaqarsimava?
4. Pisissiani Pingorsuarmilu inissiat attartorneqarsinnaaneri pillugu neriorsuutit qanoq amerlatigisut tunniunneqarsimappat, qanorlu amerlatigisut qinnuteqarsimappat?
5. Inissianik agguassinerup unitsinneqarnissaanik sinneruttullu tuniarneqarnissat pillugu aalajangernerup pinnginnerani INI attaveqarfigalugu Nuummi inissarsiorlutik utaqquisutut allatsissimasut allattorsimaffiat sooq piniarneqarsimangila?

6. Innuttaasup Illuut A/S-imik allaqateqartarsimanerminik paasissutissanik tamakkiisunik tunisimavaanga. Allaqatigiittarnerni takuneqarsinnaavoq innuttaasoq juni 2011-mi Qinnorpumi inissiamik attartugassamik qinnuteqaammik Illuut A/S-imut nassiussisoq. Oktobarip allartinnerani inissiat tuniniarneqarnissaat siunertaralugu illuutiniq niuerutiginnittartumut tunniunneqarsimalersut innuttaasoq aqquitiq allat atorlugit paasitinneqarpoq. Taamaasiornissaq pillugu innuttaasoq sukkulluunniit attavigineqarsimanngilaq. Taamatut periuseqarluni suliamik ingerlatsinissamik aalajangerneq pisortat allaffissornikkut pitsaasumik ingerlatsinissaat pillugu aalajangersakkanut tulluuttutut isigineqarpa?
7. Pisissiani Pingorsuarmilu inissiat sinnerisa naammassillugit sanaartorneqarnissaat qaqugu pinissaa ilimagineqarpa, inissiallu taakku qanoq ilusilimmik innuttaasunut neqeroortigineqarnissaat naatsorsuutigineqarpa?

Apeqquut 1-imut akissut:

INI-p atorneqarniannginnera aalajangernikkut pivoq, tamatumunngalu akinut neqeroorutaasa unammillertip akigititaanit, inissiani ineqarnermut akiliutit qaffannerinik kinguneqartussamik qaffasinnerungaatsiarnerat pissutaavoq. Tamatuma saniatigut INI-p inissianik taamaattunik aqutsinissamat piginnaaneqanngilaq. Ilisimatitsissutigineqarsinnaavoq, INI misiligutaasumik Tuapannguani Napasuliaq 7-imi aqutsisimagaluarmat, kisiannili aqutsinera amigaateqangaatsiarsimalluni. Tuapannguani Napasuliaq 4-mik, 5-mik aamma 6-mik aqutsineq Aningaasaqarnermut Sulisoqarnermullu Aqutsisoqarfiup ataani inissiigallartarfinnik isumaginnittunit isumagineqarpoq. Peqqik-mi napasuliat pingasut Dronning Ingridip Napparsimmavissuanit aqunneqarput. Tassalu aqutsineq illersorneqarsinnaasumik aningaasaqarnikkullu pisariitsumik ingerlanneqarsinnaanngippat, INI-p ingerlaannartumik Namminersorlutik Oqartussat, sullissiviit aamma aktianik piginneqatigiiffiit inissiaataannik aqutsineq tigussagaa pissusissamisuuginnartuunngilaq.

Apeqquut 2-mut akissut:

Tassani apeqquut 1-ip akineqarnerata annersaanut innersuussisoqarpoq. Erseqqissaatigineqassaaq, Pisissiani illumi ataatsimi inissiat attartortittakkat 14-it aamma Pingorsuarmi illumi ataatsimi inissiat attartortittakkat 30-t namminersortumit aqunneqarmata. Aqutsineq Illuut-mut toqqissisimanartumik aammalu attartortunut naammaginartumik ingerlanneqarpoq. Aqutsisoq pillugu taassumaluunniit suliai pillugit maalaarutiniq tigusaqartoqarsimanngilaq.

Apeqquut 3-mut akissut:

Naamik. Suliassaq attartortunngortussanullu attaveqarneq Namminersorlutik Oqartussat ineqarnermut siunnersortaannit isumagineqarpoq.

Apeqquut 4-mut akissut:

Tassani Pisissiani illu ataaseq 14-inik attartortittakkanik inissiartaqartoq aammalu Pingorsuarmi illu ataaseq 30-nik attartortittakkanik inissiartaqartoq pineqarput. Pisissiani aamma Pingorsuarmi illut pillugit inuppassuit Blok P-p kiileriani najugaqartut saaffiginnittarfiannut saaffiginnippat. Tassani allakkatigut saaffiginnissutit 166-it tiguneqarput. Taakkunannga 76-it inissiamik attartornissamat piumasaqaatinik naammassinnittut qinnuteqaateqarput. Taakkunannga 44-t attartorniarpot.

Innersuussinermi tulleriarineq imaappoq: Siullermik Blok P-mi attartortut, tullianik Namminersorlutik Oqartussat inissiaataanni attartortut kissaateqarnertik tunngavigalugu nuunniartut kingullermillu piumasunut tamanut qinnuteqartitsineq.

Apeqqu 5-imut akissut:

”Inissianik attartortunut tunniussisarneq mattullugu inissiat sinnerinik tuniniaanissaq” pillugu aalajangiisoqanngilaq. Sanaartukkat aallartinnerini aningaasaliinissamut piumasarineqarpoq, sanaartukkat affaat inissiaasinnaasut attartortittakkat, sinnerilu inissiaasinnaasut nammineerluni pigisassatut pisiarineqarsinnaasut, soorlu ”attartortumiit piginnittumut” aaqjissuussineq malillugu pisiarineqarsinnaallutik. Nuuk Ugeaviisimi aamma Sermitsiami qupperneq ilivitsoq atorlugu allagarsiinikkut soqutiginnittut inissiamik qinnuteqaqqullugit kajumissaarneqarput. 2011-mi tamanna allanngortinneqarpoq, taamaallunilu maannakkut inissiat 210-t attartortittagaapput, aammalu inissiat nammineerluni pigisat 90-iusinnaallutik. Inissiat nammineerluni pigisat tunineqarsinnaanngippata Illuut A/S taakkununga piginnittuusaaq, taassumalu inissiat attartortittakkatut nalinginnaasutut attartortissinnaassavai.

Apeqqu 6-imut akissut:

Suliaq kinaassutsimik taasaqarfiunngitsoq isummerfigissallugu ajornakusoorpoq. Innuttaasoq eqqunngitsumik imaluunniit kukkusumik pineqartutut misigisimaguni, pineqartoq uannut saaffiginnissinnaavoq. Inissiamik attartortittakkamik tunineqarnissamut imaluunniit inissiamik nammineerluni pigisamik pisinissamut piumasaqaatinik naammassinnittoq kinaluunniit taamatut pineqarsinnaavoq. Pingorsuarmi napasuliami siullermi inissiat 30. september 2011-mi inissiatut attartortittakkatut iserterfigineqarput.

Napasuliami tullermi inissiat 28. Oktober 2011-mi iserterfigineqarnissaminut piareerput. Inissiat nammineerluni pigisat iserterfigineqarnerini inissiat tamarmik tunineqarsimanngillat, taamaattumillu illunik tuniniaasartumut tuniniagassanngorlugit tunniunneqarput. Tassalu inissiat attartortittakkat inissianut nammineerluni pigisanut allanngortinneqarsimanerannik oqarneq ilumuunngilaq. Apeqqu 5-imi akineqarnerani oqaatigineqareersut Illuut A/S inissiat nammineerluni pigisat sinnerinut attartortuusinnaavoq, taakkulu inissiatut attartortittakkatut nalinginnaasutut attartortissinnaallugit.

Apeqqu 7-imut akissut:

Pingorsuarmi inissianut 300-nut tunngatillugu imaattunik paasissutissiisoqarsinnaavoq: Napasuliaq 3-mi inissiat 15. december 2011-mi iserterfigineqarnissaminut piariissasut naatsorsuutigineqarpoq, tassanilu inissiat attartortittakkat 30-iupput.

Napasuliaq 4-mi inissiat 1. maj 2012-mi iserterfigineqarnissaminut piariissasut naatsorsuutigineqarpoq, tassanilu inissiat nammineerluni pigisat 30-iupput.

Napasuliaq 5-imi inissiat 1. august 2012-mi iserterfigineqarnissaminut piariissasut naatsorsuutigineqarpoq, tassanilu inissiat attartortittakkat 30-iupput.

Napasuliaq 6-imi inissiat 1. november 2012-mi iserterfigineqarnissaminut piariissasut naatsorsuutigineqarpoq, tassanilu inissiat attartortittakkat 30-iupput.

Napasuliaq 7-imi inissiat 1. februar 2013-imi iserterfigineqarnissaminut piariissasut naatsorsuutigineqarpoq, tassanilu inissiat attartortittakkat 30-iupput.

Napasuliaq 8-mi inissiat 1. maj 2013-imi iserterfigineqarnissaminut piariissasut naatsorsuutigineqarpoq, tassanilu inissiat attartortittakkat 30-iupput.

Napasuliaq 9-mi inissiat 1. juli 2013-imi iserterfigineqarnissaminnut piariissasut naatsorsuutigineqarpoq, tassanilu inissiat attartortittakkat 30-iupput.

Napasuliaq 10-mi inissiat 1. november 2013-imi iserterfigineqarnissaminnut piariissasut naatsorsuutigineqarpoq, tassanilu inissiat nammineerluni pigisat 30-iupput.

Tassalu inissiat attartortittakkat 210-t aamma inissiat nammineerluni pigisat 90-it atorneqalernissaat naatsorsuutigineqarpoq. Tamatuma saniatigut attartortut isertereernerminni inissiat attartukkatik inissiatut nammineerluni pigisatut tigusinnaalissavaat.

Pisissiani inissianut 84-inut tunngatillugu imaattunik paasissutissiisoqarsinnaavoq:

Illu 2-mi inissiat 1. juli 2011-mi inissiatut attartortittakkatut iserterfigineqarput.

Illu 1-imi inissiat 1. oktober 2011-mi inissiatut nammineerluni pigisatut iserterfigineqarput.

Illu 3-mi inissiat 15. december 2011-mi ilinniartunut inissiatut iserterfigineqarnissaminnut piariissapput.

Illu 4-mi, 5-imi aamma 6-imi inissiat 2012-imi ilinniartunut inissiatut iserterfigineqassapput.

Tassalu inissianit 84-iusunit 14-it inissiatut attartortittakkatut, inissiat 14-it inissiatut nammineerluni pigisatut aamma inissiat 56-it ilinniartunut inissiatut innersuunneqassapput.

--oo0oo--

Naggasiutigalugu ilisimatitsissutigissavara, Namminersorlutik Oqartussani ineqarnermut siunnersortit attartortunngortussanut pisisussanullu ilitsersuullutik paasisitsiniaallutillu annertuumik sulisimmamata. Kisiannili naggataagut inissianut attartortittakkanut imaluunniit inissianut nammineerluni pigisanut qinnuteqartut ataasiakkaat uppersaatissat pisariaqartinneqartut piffissani taaneqartuni piareersimatinnissaat akisussaaffigisussaavaat. Tamanna pinngippat inissiamut innersuussisoqarsinnaanngilaq. Tassalu assersuutigalugu attartortunngortussat qaammammi siullermi ineqarnermut akiliut aammalu inissiamut attartortittakkamut qularnaveeqqusiussassaq akilersinnaallugit aningaaserivimmit uppersaammik tunniussisinnaassapput. Taamatullu piginnittunngortussat inissiamik pisisinnaallutik aningaasaqarnikkut inissisimanertik pillugu aningaaserivimmit uppersaammik saqummiussisinnaassallutik.

Neriuppunga akissutikka naammagissagisi.

Sanaartukkat takuniarusukkussigit allaffeqarfinnut, inissiat takuniartinneqarnissaannut aaqqiussisinnaasumut saaffiginnissinnaavusi.

Inussiarnersumik inuulluaqqusillunga

Jens B. Frederiksen